

PROTOCOLO DE COOPERACIÓN CULTURAL, CIENTÍFICA E PEDAGÓXICA ENTRE AS UNIVERSIDADES E OS CENTROS DE ENSINO SUPERIOR DA EURORREXIÓN GALICIA – NORTE DE PORTUGAL.

En Vigo, na sede da Agrupación Europea de Cooperación Territorial Galicia – Norte de Portugal, a 11 de abril de 2014

A Comunidade de Traballo Galicia – Norte de Portugal, representada polo Presidente da Comisión de Coordinación e Desenvolvimento Rexional do Norte de Portugal (CCDR-N), Emídio Gomes, e polo Presidente da Xunta de Galicia, Alberto Núñez Feijóo.

A Universidade de Santiago de Compostela, en adiante designada como USC, con sede no Colexio de San Xerome, Praza do Obradoiro, s/n, 15782 Santiago de Compostela (España), representada polo seu Reitor, Juan José Casares Long.

A Universidade da Coruña, en adiante designada como UDC, con sede na Rúa da Maestranza, 9, 15001, A Coruña (España), representada polo seu Reitor, José Luís Armesto Barbeito.

Z

A Universidade de Vigo, en adiante designada como UVIGO, con sede en As Lagoas, Marcosende, s/n 36310 Vigo (España), representada polo seu Reitor, Salustiano Mato de la Iglesia.

A Universidade do Porto, en adiante designada como UPorto, con sede na Praça de Gomes Teixeira, 4099-002 Porto (Portugal), representada polo seu Reitor, José Carlos Marques dos Santos.

A Universidade do Minho, en adiante designada como Uminho, con sede no Largo do Paço 4704-553 Braga (Portugal), representada polo seu Reitor, António Augusto Magalhães Cunha.

A Universidade de Trás-Os-Montes e Alto Douro, en adiante designada como UTAD, con sede en Quinta de Prados, 5001-801 Vila Real (Portugal), representada polo seu Reitor, António Fontainhas Fernandes.

A Universidade Católica Portuguesa – Centro Regional do Porto, en adiante designada como UCP, con domicilio na Rua Diogo Botelho, 1327, 4169-005 Porto (Portugal), representada polo seu Presidente do Centro Regional, Manuel Afonso Vaz.

O Instituto Politécnico do Porto, en adiante designado como IPP, con sede na Rua Doutor Roberto Frias, 4200-465, Porto (Portugal), representado pola súa Presidenta, Rosário Gamboa.

O Instituto Politécnico de Viana do Castelo, en adiante designado como IPVC, con sede na Praça General Barbosa, 4900-347 Viana do

X

S

Castelo (Portugal), e representado polo seu Presidente, Rui Alberto Martins Teixeira.

O Instituto Politécnico de Bragança, en adiante designado como IPB, con sede no Campus de Santa Apolónia 5300-253 Bragança (Portugal), representada polo seu Vice-Presidente, Orlando Isidoro Afonso Rodrigues.

O Instituto Politécnico do Cávado e do Ave, en adiante designado como IPCA, con sede no Campus do IPCA, 4750-810 Vila Frescainha S. Martinho – Barcelos (Portugal), representado polo seu Presidente, João Baptista da Costa Carvalho.

A Fundación Centro de Estudos Eurorrexionais Galicia – Norte de Portugal, en adiante designada como CEER, con sede no Colexio de San Xerome, Praza do Obradoiro, s/n, 15782 Santiago de Compostela (España), representada polo seu Presidente, António Augusto Magalhães Cunha.

EXPOÑEN

Que desde 1991, a Xunta de Galicia e a Comisión de Coordinación e Desenvolvemento Rexional do Norte de Portugal teñen asinado un convenio de cooperación transfronteiriza polo que constitúen unha Comunidade de Traballo entre Galicia e o Norte de Portugal.

Que a cooperación transfronteiriza é un instrumento válido para acadar unha unión máis estreita entre os cidadáns europeos.

✓



Que a desaparición das fronteiras interiores da Comunidade Europea sitúa aos cidadáns do espazo transfronteirizo nunha posición de especial relevancia no proceso de vertebración da Unión Política Europea.

Que A Comunidade de Traballo Galicia – Norte de Portugal é o paraugas onde se acubillan as institucións dos dous territorios con vistas a incrementar a súa colaboración para a construción dun espazo eurorrexional integrado

Que os centros de ensino superior da Eurorrexión están chamados a xogar un papel sobranceiro nesta cooperación, con actuacións compartidas, nomeadamente a medio dos intercambios tanto de información e documentación como entre persoas, a formación conxunta e a realización en común de actividades formativas, investigadoras ou divulgativas.

Nesta liña, cobra unha especial importancia a idea da Eurorrexión como un territorio compartido, tamén no eido da educación superior. Polo tanto, é importante o deseño de programa de intercambio dinamizados olas institucións do ensino superior, por entidades asociativas ou outras responsables da cooperación transfronteriza, como o “IACOBUS”, que sirvan para fomentar a cooperación cultural, científica e pedagóxica a medio do intercambio entre os recursos humanos dos centros de ensino superior da Eurorrexión Galicia – Norte de Portugal.

Que A Comunidade de Traballo Galicia – Norte de Portugal ten entre as súas finalidades a de promover a cooperación a transfronteiriza, nomeadamente dentro dos ámbitos da educación, a formación, a cultura, a investigación científica e entre as universidades.

Que a USC é unha entidade de dereito público que desenvolve actividades de formación, investigación e desenvolvemento científico e tecnolóxico. Segundo os seus Estatutos, para o mellor desenvolvemento das súas funcións, a Universidade de Santiago de Compostela propiciará o establecemento de relacións con outras Universidades, organizacións e institucións, moi en particular coas de carácter académico, científico e cultural.

Que a UDC é unha institución pública e a quen corresponde, no ámbito das súas competencias, o servizo público da educación superior, mediante a investigación, a docencia e o estudo. Segundo os seus Estatutos para o mellor cumprimento dos seus fins, a Universidade da Coruña poderá articular as súas actividades con outras universidades, dentro e fóra do sistema universitario galego, e manterá relacións con centros de investigación e institucións culturais e sociais.

Que a UVIGO, como organización pública ao servizo da sociedade ten como fins prioritarios a consecución das máximas cuotas de calidade de docencia e investigación, a impartición de formación adecuada para a preparación de actividades profesionais ou artísticas, o fomento de novos coñecementos e a súa transferencia á sociedade, a difusión do coñecemento e da formación ao longo da vida e a profundización na cooperación universitaria no ámbito nacional e internacional.

Que a UPorto, Institución de ensino superior, con natureza de fundación pública co réxime de dereito privado, persegue, nos termos dos seus Estatutos, entre outros fins, a formación no sentido global no contexto

de procesos diversificados de ensino e aprendizaxe, visando o desenvolvimento de capacidades e competencias específicas e transferibles e a difusión do coñecemento; a realización de investigación científica e a creación cultural e artística, implicando o descubrimento, adquisición e desenvolvimento de coñecementos e prácticas, de nivel avanzado; o intercambio cultural, científico, artístico e técnico con institucións nacionais e estranxeiras.

Que a UMinho ten como misión xerar, difundir e aplicar coñecemento, baseado na liberdade de pensamento e na pluralidade dos exercicios críticos, promovendo a educación superior e contribuíndo á construción dun modelo de sociedade baseado en principios humanistas, que teña o saber, a creatividade e a innovación como factores de crecemento, desenvolvemento sustentable, benestar e solidariedade.

Que a UTAD é unha institución de alto nivel, orientada á creación, transmisión e difusión da cultura, do coñecemento, da ciencia e da tecnoloxía, a través da articulación do estudo, da ensinanza, da investigación e do desenvolvemento experimental.

Que a UCP é unha persoa colectiva de dereito concordatario que ten por misión producir e compartir coñecemento crítico, innovador e socialmente relevante, ao servizo do desenvolvemento integral da persoa e en pro do ben común. A Universidade promove, a par do desenvolvemento integral da persoa, a sustentabilidade e a cohesión da comunidade, creando un ambiente exixente e rigoroso de ensino e de aprendizaxe para todos, calquera que sexa a súa idade e condición. Promove a procura constante,




incansable e crítica da verdade, pola investigación e polo ensino, facendo desa procura o eixo central da súa misión como universidade. E promove tamén o desenvolvemento, en liberdade e independencia, de prácticas de ensino, investigación e prestación de servizos.

Que o IPP asúmese como unha comunidade socialmente responsable que busca a excelencia na formación de cidadáns de elevada competencia profesional, científica, técnica e artística, nunha ampla diversidade de perfís de cualificación, no desenvolvemento de investigación e transferencia aplicada de tecnoloxía e coñecemento, en creación e difusión de cultura e no compromiso co desenvolvemento sostible da rexión en que se insire, nun marco de referencia internacional.

Que o Instituto Politécnico de Viana do Castelo [IPVC], inserido no Alto Minho, ten como obxectivo proseguir a formación humana, cultural, científica, técnica e profesional de calidade, a través das súas Escolas Superiores, ben como realizar a investigación necesaria e adecuada para a consecución da súa misión e cooperar coa comunidade rexional, particularmente no seu tecido produtivo e empresarial, nunha perspectiva de permanente diálogo e valorización recíproca.

Que o IPB é unha institución pública de ensino superior que ten por misión a creación, transmisión e difusión do coñecemento técnico-científico e do saber de natureza profesional, a través da articulación do estudo, do ensino, da investigación orientada e do desenvolvemento experimental. O IPB desenvolve a súa misión en articulación coa sociedade, incluíndo a cooperación transfronteiriza, nunha perspectiva de



cohesión territorial e de afirmación nacional e internacional, con vistas ao desenvolvimento da Rexión, baseada na innovación e na producción e transferencia do coñecemento técnico-científico.

Que o IPCA é unha institución pública de ensino superior que ten como misión contribuír ao desenvolvimento da sociedade, estimular a creación cultural, a investigación aplicada e fomentar o pensamento reflexivo e humanista. O IPCA proponse proporcionar áreas de coñecemento para o exercicio de actividades profesionais atractivas no plano nacional e internacional, promovendo a mobilidade, a empregabilidade e as relacións de reciprocidade coa comunidade

Que a Fundación CEER, defíñese como a rede de universidades Galicia-Norte de Portugal, foi creada para buscar sinerxías e complementariedades nos ámbitos académicos e de investigación universitaria da Eurorrexión, sempre coa finalidade de reforzar as vinculacións entre as súas universidades, cun carácter netamente plural, integrador, policéntrico, dinamizador e innovador no ámbito de traballo, análise e desenvolvemento do conxunto dos territorios galegos e do Norte portugués, e que pode en consecuencia actuar no eido da avaliación do impacto dos resultados dos convenios específicos que se puidesen ter asinado.

Todas estas institucións, desexando promover e fomentar a cultura científica mediante unha colaboración nos campos do ensino e a investigación, e convencidos de que constitúe o mellor mecanismo para o mellor coñecemento destas institucións en beneficio recíproco, acordan

S

establecer relacóns de cooperación a través do presente PROTOCOLO, nos termos e cos fundamentos seguintes:

PRIMEIRO

O presente Protocolo establece os principios xerais e as condicións baixo as que se levará a cabo a intención de colaborar entre as institucións.


Os obxectivos do presente Protocolo son, en xeral, promover o desenvolvemento do ensino superior graduado e pos graduado e a investigación científica e tecnolóxica e, en especial o fomento do aprendizaxe e formación dos seus estudiantes e profesores e a difusión da cultura, na Eurorrexión Galicia - Norte de Portugal.

SEGUNDO

Para dar cumprimento aos obxectivos indicados os asinantes, de común acordo, elaborarán os programas e proxectos de cooperación correspondentes a través de acordos específicos.

TERCEIRO

Estes acordos poderán abracer, entre outros, os seguintes aspectos:



3

- a) Colaboración entre as distintas comunidades universitarias (profesores, investigadores, persoal de administración e servizos e estudiantes)
- b) Formación de docentes, investigadores e persoal de administración e servizos;
- c) Intercambio de información e documentación;
- d) Cursos de posgrao e master;
- e) Realización de seminarios, conferencias, coloquios, encontros, xornadas, etc.;
- f) Publicacións e proxectos científicos e de cooperación educativa.

CUARTO

Os acordos específicos que se realicen vinculados a este Protocolo, deberán ser aprobados polas autoridades das institucións que se vinculan nesse acordo específico, e serán asinados polos seus representantes legais, no que se definirán, alomenos, os termos e obligacións financeiras.

Ningún programa de intercambio e/ou proxecto de cooperación se poderá realizar sen estar, previamente, definido e regulado nun Convenio Específico.

X

QUINTO

O presente Protocolo entrará en vigor na data da súa sinatura e manterá a súa vixencia dous anos, prorrogándose automaticamente por períodos iguais, salvo que sexa rescindido por mutuo acordo ou por calquera dos asinantes, mediante comunicación escrita ás outras, cunha antelación de 3 meses á data de finalización. En calquera caso, deberanse rematar os compromisos adquiridos nos convenios específicos que estean vixentes.

Pola Comunidade de Traballo Galicia – Norte de Portugal
 O Presidente da Xunta de Galicia O Presidente da CCDR-N

Alberto Núñez Feijoo

Emídio Gomes

Pola Universidade de Santiago de Compostela
 O Reitor

Juan José Casares Long

O Reitor

José Luís Armesto Barbeito

Pola Universidade de Vigo

Pola Universidade do Porto

O Reitor

Salustiano Mato de la Iglesia

Pola Universidade do Minho

O Reitor

António Augusto Magalhães Cunha

Pola Universidade Católica Portuguesa

O Presidente do Centro Regional do Porto

Manuel Afonso Vaz

O Reitor

José Carlos Marques dos Santos

Pola Universidade de Trás-os-Montes e Alto Douro

O Reitor


António Augusto Fontainhas Fernandes

Polo Instituto Politécnico do Porto

A Presidenta

Maria do Rosário Gambôa Lopes de Carvalho

Polo Instituto Politécnico de Viana do
Castelo
O Presidente



Rui Alberto Martins Teixeira

Polo Instituto Politécnico de
Bragança
O Vice-Presidente




Orlando Isidoro Afonso
Rodrigues

Polo Instituto Politécnico do Cávado e
do Ave
O Presidente



João Baptista da Costa Carvalho

Pola Fundación CEER
O Presidente



António Augusto Magalhães
Cunha